

Имомлари иттифоқ қилган ҳадислар / Олти саҳиҳ имомлари иттифоқ қилган ҳадислар / 387-ҳадис

387 - عَنْ عَبْدِ اللَّهِ مَسْعُودٍ قَالَ: لَعْنَ اللَّهِ الْوَائِمَاتِ وَالْمُسْتَوْشَفَاتِ، وَالنَّامِصَاتِ وَالْمُتَنَمِّصَاتِ، وَالْمُتَنَقِّلَجَاتِ لِلْحُسْنِ الْمُغَيْرَاتِ حَلْقُ اللَّهِ. قَالَ: قَبَلَهُ ذَلِكَ امْرَأَةٌ مِنْ بَنِي أَسَدٍ يُقَالُ لَهَا: أُمُّ يَعْفُوبَ كَانَتْ تَثْرِأُ الْقُرْآنَ، فَأَتَاهُ فَقَالَتْ: مَا حَدِيثُكَ بَلَغَنِي عَنْكَ أَنَّكَ لَعْنَتِ الْوَائِمَاتِ وَالْمُسْتَوْشَفَاتِ وَالْمُتَنَمِّصَاتِ وَالْمُتَنَقِّلَجَاتِ، لِلْحُسْنِ الْمُغَيْرَاتِ حَلْقُ اللَّهِ، فَقَالَ عَبْدُ اللَّهِ: وَمَا لِي لَا أَعْنَى مَنْ لَعَنَ رَسُولُ اللَّهِ صَلَّى اللَّهُ عَلَيْهِ وَسَلَّمَ؟ وَهُوَ فِي كِتَابِ اللَّهِ. فَقَالَتِ الْمَرْأَةُ: لَقَدْ قَرَأْتُ مَا بَيْنَ لَوْحَيِ الْمُصْحَفِ فَمَا وَجَدْتُهُ. فَقَالَ: لَعِنْ كُنْتِ قَرَأْتِيهِ لَقَدْ وَجَدْتِيهِ، قَالَ اللَّهُ عَزَّ وَجَلَّ: {وَمَا آتَكُمُ الرَّسُولُ فَحُدُوهُ وَمَا نَهَاكُمْ عَنْهُ فَاتَّهُوا}. فَقَالَتِ الْمَرْأَةُ: فَإِنِّي أَرَى شَيْئًا مِنْ هَذَا عَلَى امْرَأَتِكَ الْآنَ، قَالَ: اذْهِي فَانْظُرِي، قَالَ: فَدَخَلْتُ عَلَى امْرَأَةِ عَبْدِ اللَّهِ فَلَمْ تَرْ شَيْئًا، فَجَاءَتْ إِلَيْهِ فَقَالَتْ: مَا رَأَيْتُ شَيْئًا، فَقَالَ: أَمَا لَوْ كَانَ ذَلِكَ لَمْ تُنْجَمِعَهَا.

[خ 4886، م 2125، ت 2782، س 3416، د 4169، جه 1989]

Алқамадан ривоят қилинади:

«Абдуллоҳ шундай деди: «Аллоҳ вашм қилувчиларни, вашм қилдирувчиларни, қош терувчиларни, қош тердирувчиларни, ҳусн учун тишининг орасини очувчиларни ва Аллоҳнинг яратганини ўзгартирувчиларни лаънатласин».

Бу гап Бану Асадлик, Қуръонни биладиган Умму Яъқуб деган аёлга етиб келди. У келиб, «Вашм қилувчиларни, вашм қилдирувчиларни, қош тердирувчиларни ва ҳусн учун тишининг орасини очувчиларни, Аллоҳнинг яратганини ўзгартувчиларни лаънатлаганинг ҳакида менга етиб келган гап нима эди?» деди. Шунда Абдуллоҳ: «Нима учун Расулуллоҳ соллаллоҳу алайҳи васаллам лаънатлаган кимсани лаънатламас эканман? Ахир бу

Аллоҳнинг Китобида бор-ку!» деди. «Мен мусҳафни бошидан охиригача ўқиб чиқдим, лекин буни топмадим-ку?» деди аёл. «Агар уни (тадаббур билан) ўқисанг, топган бўлар эдинг. Аллоҳ таоло: **«Расул сизга нимани берса олинг, нимадан қайтарса, қайтинг»**^[1] деган», деди у. «Менимча, шу нарсадан баъзиси ўзингнинг хотинингда ҳам бор», деди аёл. «Бориб, қара бўлмаса», деди у. Аёл Абдуллоҳнинг хотини олдига кириб, ҳеч нарса кўрмагач, қайтиб келиб, «Ҳеч нарса кўрмадим», деди. «Агар ўша нарса бўлса, у билан бирга бўлмас эдик», деди».

Ином Бухорий, Муслим, Термизий, Насаий, Абу Довуд ва Ибн Можса ривоят қилишган.

[1] Ҳашр сураси, 7-оят.

Манба: hadis.islom.uz

